



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Quaestio 129. An inquisitor largiri possit indulgentias alijs sibi in officio  
assiste[n]tib. & auxiliantib.

**urn:nbn:de:hbz:466:1-13589**

COMMENT. CLXXVII.

**D**va sunt assertiones: Prima est: Socijs & notarijs Inquisitorum laborantibus in sacro officio ad hæreticos extirpandos Papa confert indulgentiam trium annorum.

Altera est, quod si in prosecutione hæreticorum, & in executione officij sacri, seu in eius ministerio moriantur, plenam indulgentiam consequuntur.

Utramque assertionem probat rescriptum Urbani iij. hic ab Eymérico allatum, & rescriptum Gregorij noni, quod incipit. Ille humani generis idem concessit Clemens iij. & Urbanus iij. rescripto alio incipiente: Licet ex omnibus, que vidimus autentica in archiuo Bonon. inquisitionis.

Meminit etiam huius privilegij Bernardus Comensis in Lucerna, verbo, indulgentia eorum. §. i. & Repertorium Inquisitorum verbo, indulgentia. §. nota quod Fratres.

Num autem hæc trium annorum indulgentiam consequantur non solum socij Inquisitorum & notarij, verum etiam alij sancti officij ministri, veluti consultores, Fiscalis, & similes, quæri potest, & hi etiam hanc indulgentiam habent, vt constat ex questione sequenti, cum in hoc negotio non mediocriter laborent.

Idem fortassis esset dicendum de illis, qui scribunt contra hæreticos, instrumentes Inquisitores hæreticæ prauitatis, qualiter sese in suo officio gerere debeant contra fidei hostes: hi enim quamuis in rescripto & verbis privilegij nominatim non continentur ob eandem tamen rationem equum videntur, vt rescripti privilegio vtantur.

Hoc sane iustissimum videtur, vt Sæcetas sua ad hos quoque dignaretur hoc privilegium extendere, quando vero hanc indulgentiam consequantur, sequentia demonstrabunt.

Q V A E S T I O C X X I X .

An Inquisitor largiri possit indulgentias alijs sibi in officio assistentibus, & auxiliantibus.

**E**ntesima vicesimanona questio est: Vtrum Inquisitor consiliarijs & omnibus alijs, qui sibi personaliter assistunt, & existunt in executione sui officij, vel alijs prestant sibi ex animo auxilium, consilium, uel fauorem, habeat potestatem indulgentias largiendi?

Respondemus, quod ipse Inquisitor non, sed dominus noster Papa confert eis tres annos de indulgentia: & si in prosecutione officij moriantur, remissionem plenam omnium peccatorum, ut patet in prædictis litteris Apostolicis Clementis, Alexandri, & Urbani iij. vt tactum est statim supra quest. prox. in quibus dicitur sic; Necnon & largiendi: & infra: Et omnibus

**A** qui uobis personaliter astiterint in eodem negotio, & qui ad impugnandum hæreticos, fautores, receptatores, & defensores eorum, ex animo uobis præstiterint auxilium, consilium, aut fauorem: de omnipotentis Dei misericordia & beatorum Petri & Pauli Apostolorum eius auctoritate confisi, tres annos de iniunctis sibi peccatis relaxamus: & si qui ex his in prosecutione huiusmodi negotij forte decesserint, eis peccatorum omnium, de quibus corde contriti & ore confessi fuerint, plenam ueniam indulgemus.

**B** Et in c. Excommunicamus itaque. §. Catholici, extra de hæretic. dicitur sic: Catholici uero qui crucis assumpto characteræ ad hæreticorum exterminium se accinxerint, illa gaudeant indulgentia, illoque sancto privilegio sint muniti, quæ accedentibus in terræ sanctæ subsidium conceduntur.

Quæ autem sunt illa, dicitur quæst. prox.

Quamplura alia privilegia conceduntur cruce signatis prædictis pro extirpanda hæretica prauitate, per Inquisitores eis conferenda, vt patet in litteris Apostolicis positis supra parte 2. Innocentij, ut nihil uobis desit.

Relat. supra pag. 101.

COMMENT. CLXXVIII.

**N**on modo qui assidue & continuo Inquisitoribus assistunt, vt sunt necessarij ministri, de quibus hætenus dictum est, trium annorum indulgentiam consequuntur, & plenariam cum in prosecutione negotij moriuntur; verum etiam quicumque alij, qui ubi oportuerit Inquisitoribus adstant, eodem indulgentiarum privilegio fruuntur. id probat apertissime rescriptum Urbani III. quo vtitur hic Eymericus, sed apertius idem tradit Gregorius nonus rescripto incipiente: Ille humani generis, in hæc verba: Ad hæc, ut super præmissis omnibus officium sibi commissum liberius possint & efficacius exercere, omnibus qui ad prædicationem eorum (scilicet Inquisitorum) accesserint, in singulis stationibus viginti dies; illis uero qui ad impugnandum hæreticos, fautores, receptatores, & defensores eorum, in munitionibus, uel castellis, uel alijs contra Ecclesiam rebellantes, ipsis ex animo auxilium, consilium præstiterint, uel fauorem, de omnipotentis Dei misericordia & beatorum Petri & Pauli Apostolorum eius auctoritate confisi, tres annos de iniuncta sibi peccata relaxamus: & si qui ex his in prosecutione huiusmodi negotij forte decesserint, eis omnium peccatorum, de quibus corde contriti & ore confessi sunt, plenam ueniam indulgemus. hæc ibi.

**H**oc privilegio hodie in primis gaudent cruce signati, quibus in Hispania similes sunt illi, quos dicimus familiares, qui nutibus inquisitorum obediunt, ea exequentur, quæ ad promotionem huius sacri officij, & ad fidei propagationem, & ad hæreticæ prauitatis extirpationem spectant.

Eandem etiam indulgentiam consequentur qui eoque zelo fidei cum opus esset, inquisitoribus auxiliantur.

Quicumque Inquisitoribus auxiliatur, trijs ann. indulgentiam consequuntur.

Cruce signati gaudent hoc privilegio.

rentur: vt vel hinc catholici magnopere excitari de-  
beant ad fauendum, & auxiliandum Inquisitorib.

## Q V A E S T I O C X X X.

An Inquisitor plenariam indulgentiam consequatur in vita,  
& in morte.



Entesima tricesima & ultima quaestio est: Vtrum Inquisitor plenariam indulgentiam habeat in vita pariter & in morte?

Respondemus quod sic; In vita quidem quodcumque pro exequendo officio laborat: in morte autem si in prosecutione officij diem claudit extremum.

Relat. supra pag. 129.

Quod autem habeat in vita pro officio laborando, patet in praefatis litteris Apostolicis Clementis, Alexandri, & Urbani iij. Prae cunctis. §. vobis autem, dicitur sic:

Vobis autem pro huiusmodi negotio laborantibus, illam peccatorum veniam indulgemus, quae succurrentibus terrae sanctae in generali concilio est concessa.

Quae autem in dicto concilio succurrentibus terrae sanctae est concessa, patet in c. Ad liberandam. extra de iud. & Sarra. in parte decisa. notat Hostien. in lectura: in qua de succurrentibus terrae sanctae infra habetur ita: Nos autem de omnipotentis Dei misericordia, & beatorum Apostolorum Petri, & Pauli auctoritate confisi, & ex illa, quam nobis, licet indignis, contulit Deus ligandi atq; soluendi potestate, omnibus, qui laborem istum in proprijs personis subierint & expensis, plenam suorum peccaminum, de quibus fuerint veraciter corde contriti, & ore confessi, veniam indulgemus, & in retributionem iustorum salutis aeternae pollicemur augmentum: Eis vero qui non in personis proprijs illuc acceperint, sed in suis dumtaxat expensis, iuxta facultatem, & qualitatem suam viros idoneos destinauerint: Et illis similiter, qui licet in alienis expensis, in proprijs tamen personis acceperint; plenam suorum concedimus veniam peccatorum. Huiusmodi quoque remissionis uolumus & concedimus esse participes, iuxta qualitatem subsidij & deuotionis affectum, omnes, qui ad subuentionem ipsius terrae sanctae de bonis suis congrue ministrabunt, aut circa praedicta consilium, & auxilium impenderint opportunum: omnibus etiam pie proficientibus in hoc opere communi, sancta & vniuersalis Synodus orationum, & beneficiorum suorum suffragium impertitur, ut eis digne proficiat ad salutem.

Datum Later. xix. Kalendis Ianuarij Pontific. nostri anno octauo.

Quod autem Inquisitor habeat & in morte, patet in litteris Apostolicis antedictis, vbi praemisso de indulgentia, quae confertur Inquisitori praedicta; & quae locijs & fratribus sui ordinis &

notarijs; & quae omnibus, qui personaliter astiterint in fidei negotio Inquisitori, & praestiterint ex animo auxilium, consilium & fauorem: de omnibus generaliter sequitur sic: Et si qui ex ijs in prosecutione huiusmodi negotij forte decesserint, eis peccatorum omnium, de quibus corde contriti, ac ore confessi fuerint, plenam ueniam indulgemus.

## C O M M E N T. CLXXIX.

Haec postrema est in vulgatis codicibus huius operis quaestio, in qua de insigni Inquisitorum priuilegio disseritur; nam & in vita, & in morte omnium peccatorum indulgentiam consequuntur: vtramque partem probat Eymericus apertis Pontificum rescriptis.

Tradunt idem hoc priuilegium Repertorium Inquisiti. verbo, indulgentia. §. item Inquisitores. Tabien. in summa verbo, Inquisitor. §. 39. in fi. lo. Ro- yas tract. de haeret. par. 2. nu. 412. & alij.

Quantum uero attinet ad primam partem, quod uidelicet, Inquisitores consequantur in vita plenam indulgentiam suorum peccatorum, dubium est, at intelligitur semel tantum in tota vita, an vero in singulis actibus perfectis, qui contra haereticos in fauorem & laudem fidei celebrantur, & Repertorium Inquisiti. verbo, indulgentia. §. item Inquisitores. in quolibet actu, hac frui indulgentia testatur his verbis: Item Inquisitores exercendo officium, gaudent in quolibet actu Inquisitionis, quando fit aliquis actus reconciliationis per eos, vel aliqua executio durante tempore officij, in quolibet actu indulgentia plenaria omnium peccatorum suorum hac ibi. cui sententiae libentissime accedo.

Idem sentiendum puto de indulgentia trium annorum, quae conceditur auxiliantibus officio sanctissime Inquisitionis, et inquisitoribus haereticae praetatis in fauorem fidei: illi enim non tantum semel in tota vita, sed in quolibet actu perfecto, & ab alio diuerso, quo Inquisitoribus praestant huiusmodi auxilium, trium annorum indulgentiam consequuntur.

Quae his locis de indulgentijs tradit copiose Eymericus, continentur apertissime in rescripto quodam Alexandri Quarti incip. Firmissime teneat, quod vidimus authenticum in bibliotheca Illustrissimi Cardinalis Felicis Peretti de Montalto, allatum ex Assisio ex archiuo conuentus Fratrum ordinis Minorum.

## Q V A E S T I O C X X X I.

An Extrauagantes in fauorem fidei & sancti officij edita sint seruanda.



Entesima tricesima prima quaestio est: Extrauagantes quae concessae fuerunt per summos Pontifices in fauorem fidei & officij Inquisitionis, an teneant in robore suo?

Dice n-